



第一三二九册

四庫全書

● 上海古籍出版社

本冊目次

愚菴小集
附傳家質言
抱犢山房集
附嵇留山先生傳
文端集

清朱鶴齡撰……………一
清嵇永仁撰
清嵇曾筠編……………一九九
清姜盜撰
清張英撰……………二七五

欽定四庫全書

集部
愚菴小集
目錄
卷二

詳校官庶吉士 臣 汪彥博

助教 臣 常循 覆勘

總校官庶吉士 臣 何思鈞

校對官中書 臣 田尹衡

勝錄貢生 臣 鍾 浩

欽定四庫全書

集部七

愚菴小集目錄

別集類六

國朝

卷一

賦

卷二

五言古詩

卷三

七言古詩

欽定四庫全書

愚菴小集
目錄

卷四

五言律詩

五言排律

卷五

七言律詩

卷六

五言絕句

七言絕句

卷七

序一

卷八

序二

卷九

記

卷十

書

欽定四庫全書

愚菴小集
目錄

卷十一

論

卷十二

辨

卷十三

雜著一

卷十四

雜著二

卷十五

傳

附錄

臣等謹案愚菴小集十五卷

國朝朱鶴齡撰鶴齡所著尚書碑傳諸書俱別

著錄此集乃所著詩文凡賦一卷諸體詩五

卷雜文九卷末附傳家質言十三則鶴齡始

專力於詞賦自顧炎武勗以本原之學乃研

欽定四庫全書

愚菴小集
目錄

思經義於漢唐注疏皆能爬梳抉摘獨出心

裁故所為文章悉能典雅醇實不墮剽竊摩

擬之習其邛郯衛三國禹貢三江震澤太湖

嶠冢漢源諸辨多有裨於考證生平嘗箋注

杜甫李義山詩其作韻語頗出入二家之間

而寄興清遠亦復自饒神趣至其與錢謙益

同郡方謙益箋註杜詩時嘗館於其家乃集

中無一語推重之所作書元裕之集後一篇

稱裕之舉金進士歷官左司員外郎及金亡

不仕隱居秀容詩文無一語指斥者裕之於

元既足踐其土口茹其毛即無訶詈之理非

獨免咎亦誼所當然乃今之訕辭詆語曾不

少避若欲掩其失身之事以誑國人者非徒

詩也其愚亦甚云云其言蓋隱刺謙益而發

尤可謂能知大義者矣乾隆四十二年十月

恭校上

欽定四庫全書

愚菴小集

四

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

愚菴小集卷一

吳江朱鶴齡撰

賦

廣志賦

繫我生之耿介兮勵修名而不頗寧瑤華以抗節兮

仁義為藹翕遊墳典以漁獵兮懼或中乎虞羅戢形影

於蝸廬兮循繩墨以貞度彼詭行之昌披兮余不敢以

欽定四庫全書

愚菴小集

改步憂歲月之逾邁兮追媿修於古路何流俗之險詖

兮好與惡之迷方珍魚目以什襲兮謂明月其不光繫

威鳳以在箴兮驅罷駑使服裏轡瓦釜以聒聽兮毀鐘

鏞而弗鈞巧占風於要路兮工樹柵於康莊摩挲听以

嗶吹兮索蘭佩而俾儻簸杭棟以眯目兮轉糞壤而自

芳誠嫫婁之難竝兮疇提徑而能良蹇余情之信練兮

秉昭質而難易屑越桂以為糧兮編胡繩以為席被菴

若之清芬兮茹玉英之膏液塊獨寶此幽貞兮匪是時

之收識惜睚靈之不居兮老將至而為客荆英墜於中庭兮奄離披而獨立彼獨立其何傷兮哀衆芳之蕪沒意緯畫而不制兮神恟恍而難持愁沈沈而屯結兮步踽踽而蹢躅懷紆鬱而無語兮思繁亂以長咨迷岐路而無所適兮索瓊茅以占之將速遊而散慮兮得吉繇而於庖羲洵區中之偈反兮利收往乎八荒簡元辰而奮翼兮載雲旂以高翔駕蒼虬之婉婉兮鳴玉鸞之將將風伯儼其翼衛兮馮夷導其津梁朝發軔於三危兮

聽天鈞之將闕叫帝閭而不聞兮邀天皇之難覲向左玄以陳詞兮剖沈疑於宿昔何履仁而周年何肆暴而終令何坎壈每集於翹材何豐隆多享於破鏡牛哀之化虎兮磨牙頤其兄命虬精之化人兮厥勲烈於南郡何流變之殊形兮理叅差而莫定虞忠漢而暴烈日兮終不逢夫雨師長叛符而絕汲道兮竟淘沔而相之何順逆之較然兮乃倒應而錯施桂必伐而膏必煎兮盍併絕乎斯類也兼施榮而枳棘茂兮余不忍見此態也

莊畏犧而賈忌鵬兮固前拒之所謂也彼維皇之降監兮宜祐善而殄淫苟回惑具若茲兮信天道之難諶左玄曰吁汝言大愚品物遷流幹於太虛潤濶墨實為洪鑪道混成而條別兮任萬肇之榮枯譬春葩之著樹兮隨風舉而辭株或下沉於糞溷兮或飛墜於金鋪總一氣之搏抐兮誰斟酌以差殊是故否兮不可豫泰兮不可期榮兮不可據辱兮不可辭福兮不可覩禍兮不可闕子亦訪塞翁之倚伏師老氏之守雌何事懷褊心

之憤懣長伊鬱而不怡承嘉告以廓落兮釋端憂之塞
產潮大鈞之陶物兮非薰蕕之必辨審性命之靡求兮
悟悔尤之雙遣苟精誠之必通兮雖聖哲其可勉能銓
跡而含和兮登道崖其未晚修初服以悅康兮奚傍徨
而適遠辭閭闔之遐選兮整馳馭乎吾將反臨舊丘之
菴謁兮遵夷塗以游衍歸班生之故廬兮息揚子之玄
亭眷天路之縹緲兮神迷盪而未寧葺詩書之觀圖兮
踐惠若之芳庭永端居以攝志兮棲寂寞而存真曠玄
覽於大道兮樂自然以無營庶靈根之內保兮絕情景
於塵纓

欽定四庫全書

卷一

徐介白曰出入並通思玄之間而稍變其機
行時出新意悟悅修徑此亦楚騷之苗裔也

遊靈巖山賦

鬱西山之萌奔萃扶輿之清淑輩吳會以作標翼帝圖
而建福秦餘飛動以崔嵬鄧尉蜿蜒而起伏天平擁黃
萃之奇穹隆擅曲紆之目玉遮之橫列如屏龍塢之踞
湖子龜是皆迴福地於人寰錫嘉名於仙錄未若靈巖

之與區為神秀之所族也爰自浮玉傲基天目分隴元
氣所扶冲融洞苞壘孕嶽控越莫吳俯臨巨浸上薄
清都幹地軸之綱維蘊物華之明雋晚兒列之羣峰卓
靈標之千仞開丹嶂於烟霄挂青霓於風磴軋遊氛以
上千變萬象於朝暎勢延亘以貢奇氣孤清而含潤爾
其戴

則

詭狀非一或偃如獸蹲或森如人立或奮

如濤奔或鬱如斧創張勢競形空翠滴歷彌天之雲觸
焉斯出又有琪枝蒙密灌木森沉葉舒帷以聚碧花散

欽定四庫全書

卷一

五

錦以成茵蔚春榮之的皪敷夏彩之繽紛轉深林之綺
翼戲曲沼之文鱗激松杉之逸瀨飛澗瀑之清音其石
則重湖浩淼驚濤震蕩水豹狂呼靈胥賈壯估舶分風
漁舸出浪抗洞庭之雙峰砥百川而作障挹朝爽於西
來招靈威以極望其左則原田每每溝塍綺織近畛遙
阡萊蕪大闢嵌竇通流桔槔引澤休文之菑邾可陳
賦陳東菑
之故托
元亮之耘杖堪植其陽則屢通九陌市走三
衢儲胥廣衍環貨數腴士女填溢以教以娛其陰則林

臯轉幽竹苞松茂曲渚平緒分枝臯環奏謝墅庾村逸

人遠就洵地脉之儲精而土膏之發秀也若夫山開晉

代寺建梁年招提燦日寶刹凌烟荒閣疎疎乎黔緩香臺

鎮乎嶺岼宮亭因岩而構址露井即岵以疏泉虹梁披

離以切漢月榭杳窈以干天曲檻周遭以縣亘鳴鈴窻

牽以高懸幡幢曼繹而四豎金碧晃耀以相鮮於是策

振興公孫綽賦振金經之鈴鈴翻謝客謝靈運在廬山有翻經臺開士駢肩

淨侶疊跡建曼陀之蓮臺展靈鷲之法席合能秀之宗

欽定四庫全書

卷一 愚庵小集

六

風融支許之辨析股隱法鼓之轟聞鏗晨鐘之叩擊宣

三乘之奧爰釋五惑之煩憾益自智積之西臻會肉忝

以千百洎天監之示圖徵象教於廊壁雖名標志林事

紀僧冊未及今之齊大化於吳會普神光於緇白也爾

乃循岫曲歷松門撫陳蹟按舊聞求洞穴踐磧村硯池

誰為點筆石鼓何以徵兵訪館娃之故址弔響簾之幽

魂悲琴臺之寂寂濯香水之泠泠慨屬鏤之既賜俄宮

闕之成荆實夫差之自燼豈越甲之能鳴嗟乎噫哉方

吳之盛香徑鋪瑤臺對整花明桂寢之玉人月照梧

宮之金井迄今惟朝霞之絳氣橫空夕燒之荒烟接嶺

彼甲楯雄圖甬東霸骨俱已蕩滅而銷沈而況乎舞袖

之綺羅與粧臺之紅粉覽興亡之一瞬悟生死之同規

物無新而不故人疇寄而不歸譬石火之颺飛如薤露

之朝晞知榮名之難寶信逆旅之非欺曷若依紺宇以

息紺廕祇園以屏偽探六度以觀生宣三攝以發智飯

香積而世味蠲遊化城而害馬去巡茲山以陟降兮澹

欽定四庫全書

卷一 愚庵小集

七

余慮之紛營溯高深於亭毒兮等今古於埃塵悵沈憂

之促算兮希聞靜以延齡願稅駕於東林兮武宗雷之

高躅仰佛日於靚墟兮皈化人於靈谷庶遊蒙之可謝

兮登薄躬於沕穆

潘江如曰具體天台更加妍整五色迭宣八音繁會使人怡賞不給

宮人入道賦

夫何女冠之婀娜兮被羽服而體輕風承恩以入御兮

侍更衣於掖庭忽離垢而遐舉兮豈徒怨夫深宮永隔

之淒清粵白吳驚焚巢楚猿亡樹鏡埋仁壽之庭弓倚
未央之柱攀烏號而莫逮山陵泣湘浦而長辭月御悟
物理之無常榮悲韶顏之難久駐羞同戚姬侍兒更作
扶風之婦願隨王母使者時陪戴勝之旁於是離椒寢
即雲房捐珠珮理霞裝謝昭陽之隊遊紫府之鄉屏長
門之扇簾裁羽客之衣裳洗鉛華之膩粉藝太極之神
香灑乃金闕玉臺神棲三島瑤枝琪草景躡十洲藥圃
之芝英不落仙巖之桂葉長留乳煉金壺餐紫霞而內
照丹調石髓嚙玄液以冥搜若夫朝瞻羣帝夕禮上真
碧落磬敲縹緲珠函之字玄壇鼓動琳瑯玉檢之文絳
節霓旌髣髴朝元啟醮龍車鳳吹依稀太乙祠神羽帔
却忘垂手舞法歌惟按步虛聲爰有八洞靈妃九天玄
女時來往於空虛每殷勤而延佇許飛瓊要世外之逢
迎萼綠華結雲中之伴侶鶴飛維嶺聽子晉之瑤笙霞
散幔亭會神君之法鼓寧復憶夫青蛾永巷之悲紈扇
秋風之怨御溝流一葉之詞弱線結重生之願行隨玉

輦曲翻紅藥之欄帶奉金門愁滿菱花之面也哉遂歌
曰誰信瑤臺別有春焚香時拜魏夫人欲將蓬島三生
夢掃盡滄桑萬古塵又歌曰燈照九微天宇濶雲開三
素日華鮮蜀王已化啼鵲魄豈得蛾眉戀翠鈿

徐昭法曰徘徊之音歸
于正則貌倅而神不傷

秋閨賦

維四序之平分兮凜素秋之淒景誰貽蕩而不悲兮矧
空閨之孤冷若夫月行白道霜下青腰授衣氣列落木
天高斑駁未返芳草俄彫玉露彌空溼前除於永漏金
波斜照迢遞曉於清宵雲送千山之曉素水興七澤之
波濤驚去空梁展魚箋而不樂鴻來北渚撫玉枕而無
慘於時撼葉鳴梢哀蟬去翳看羅帶之漸長覺瘦腰之
轉細茱萸幔裏風掠鷺尾之髻玉鏡臺前光冷鳳頭之
髻芳辰謝兮倚寶瑟而誰彈沈思增兮對金樽而掩涕
禁履遙兮惜蛩砌之苔生房櫳寂兮嘆蛛絲之網綴所
以霏霏銀漢難傳錦字之情晶晶玉鉤不斷高樓之思

爾乃京洛之英鄒魯之子景漢伯隨師七州菑稚川負

笈千里絳帳未歸金風忽起能不目睇桂枝魂牽槐市

又有商軺遠道估舶河梁載離寒暑幾隔星霜上水之

篙時沿百丈鏤金之枕誰與雙行河鼓星槎愁結三洲

之曲洞庭木葉夢迴七寶之牀乃若代北沙昏榆中候

晚出紫塞以遐征佇青驄而不反寒催刀尺憶襟袴之

短長望阻帛書昧關山之近遠羅幃悄悄占華萼於銀

缸虬箭沈沈冷麝熏於玉簾以至棄婦長辭故雄永去

欽定四庫全書

卷一 五言小集

十

離鷺之曲孤彈別鶴之悲莫訴空庭銷蕙艸之芳夜織

斷鷺機之素秋風厲兮團扇捐秋月清兮流螢度秋聲

凜兮羅袖單秋氣肅兮鉞華暮當斯時也莫不愁黯黯

而難勝淚浪浪而欲注夫候偏驚於但謝感獨切於變

衰壯夫為之砭骨騷客以是興悲登山兮傷白道臨水

兮慚青谿遠行兮悼羈旅送歸兮悵別離彼四端之窈

矯皆千古所歎歎曾未若中輕寒於玉膚引涼颼於繡

閣驚一葉於空聞感雙星於今節結永懸於征輪寄微

情於皓月窮時變之蕭森萃人生之騷屑抽思緯之纏

絲彈情條之飛越乃為亂曰繫大化之回斡兮獨春蠶

而秋愁非金商之肅殺兮豈知治日之和柔彼佳人之

冷艷兮固難遣樓頭之蟾兔與林下之鸞鴦誠物感之

自然兮吾獨何恨乎蓐收

金李章曰過文壯節抑揚
哀怨在明達文通之間

苦雨賦

維青陽之應候兮抽英莛於園林將娛目以步屨兮悵

欽定四庫全書

卷一 五言小集

十一

沈雨之滯淫谷風扇而轉緊兮膚寸興於高岑俄重雲

其四合兮霑八表而成霖於是堦涌伏泉庭深積潦叢

駁潛暉號屏先道柱礎滑而不前欄溜滴而難了行路

斷其輪蹄房櫳迷其昏曉爾乃欲絕復續自朔及旬晦

冥連乎八極決滂塞乎四溟疑漏天之在近嗟墨霧之

無垠豈銀河之欲倒抑地軸之將傾何天綱之蕩滴絕

懸念乎斯人曾不顧郊廬之價涌於玉粒而曲突之烟

沉於桂薪於斯時也嘉禾吐鶯鮮枝摧翠都尉之東垂

欽定四庫全書

卷一 楚辭小集

條司空之楊拂地但見雨足纏綿雲根靈霽日方閃兮
更沈沈霧欲披兮還飄飄朱萼匪陽而不舒絳英負靄
而多墜使園之濕羽難飛陶徑之水衣徒漬小山文士
攀芳樹而無從楚澤放臣采幽蘭而莫寄誰不愁后土
之不乾望層陰而增喟僕本恨人索居騷屑目黯黯以
不開中悒悒以迄結阻城闕兮迢迢周泥淖兮活活對
朝雲兮震震瞻暮暎兮愒愒炳燭照兮堂中添漏痕兮
檐末陳書策兮無悵遣明尊兮不悅安得誅飛廉屏豐
隆絕雲氣見夕虹散飄飄收溟濛升赫曦於扶木鞭火
龍於天東普昭融於萬象回陽曜於三春也耶

汪文曰淩若紫絳爛如錯繡既具賦心兼饒賦材當今誰是敵手

枯槁賦

猗嘉樹之歲莖兮寔挺生於南國維騷人之頌厥美兮
秉不遷之貞德奄枝幹之離披兮抗園林而無色哀靈
木之變衰兮撫枯株而太息爾其始也連彩璇星植根
瑤圃陰成綠葉含耿介以凌霜萼吐素華散芬芳而入

戶佳人以是盤桓翠羽于焉翔舞迨夫清霜變律白露

零庭實垂金而攢布帝連理以宗生本自瀟湘薦彤廷

而包隨錫貢非因羽翼登玉案而果以珍名紫梨方其

津潤枯槁失其甘馨所以樹重江陵每置官而呈瑞功

標本卓恒蠲疾以析醒者也無何氣改窮陰衰催急節

幹背日而凋傷條隨風而騷屑漢上苑之玉樹既失青

蔥楚三閭之木蘭俄成萎絕晨曦照耀欲彫飾以無能

暮雨低垂訝芳菲之頓輟嗚呼半死嗟桐先伐嘆桂昔

欽定四庫全書

卷一 楚辭小集

日娑娑今朝顙顙鄉林改色誰看密葉之垂陰嘉陰無
存共惜修柯之委地曾不若櫨梨濕口猶自遂其敷榮
椒椒含辛反得矜其生意觀物理之彫換兮固有盛而
必衰誰芳根之久植兮誰零露之長滋懼徙北而化枳
兮寧就槁而不辭彼人事之遷流兮紛苑枯其若斯任
大鈞之回互兮何必泣然於攀枝

顧茂倫曰本槁頌之意而衍之不徒作榮枯之感轉合生凋特其餘振

白梟賦

方塘浪暖枉渚波清何來素羽蕩漾身輕隨流泛泛矯翼星脰短而常依弱藻臂丹而能自呼名時臨波而顧影恣游泳於沙汀友白鷺兮并舞對皓鶴兮低鳴非稻梁之可慕豈緜緜之能驚其浴浦也似鷗羣之戲廣浮深而浩蕩於波濤也其宿渚也似雁族之顧儔命侶而行列於葦蕭也其飛旋也又似文練之搖颺太空而點破乎青霄也若乃浪花朝起映旭日以開翎江烟夕霏負清風而竦翼乍臨綠岸以依人忽入叢蘆而難覓

欽定四庫全書

思齋小集

古

澹容與其翩翻雖卑飛而自得至若飲湍流啄蓼荇咬鵝蘋花沁洄木梗不爭肥於粒食不受縲於軒屏恒宛頸以相呼狎風波而無警此又智於鷗鷺之處身而安於鷺鷥之屈猛者也嗟人世之局促兮歎吾生之艱虞何此鳥之容裔兮炯飛鳴其自如循瀨涯以盤桓兮羨美羽之遊娛願相從夫漁父兮長適性於江湖

計前草曰清藻斐然典寄絕遠如此作方可當體物劉亮之日

誅蚊賦

令屆朱明日行赤道永晝炎蒸清宵膚撓汗漿點案既惡青蠅布翼逞鋒尤愁白鳥蚊一名白鳥厥種維何芸生濕庫鷄母吐於嶺南吐鷄音田此鳥叫則蚊見嶺表錄異忝民蕃於河內河內有人見人馬如黍米往來燒之皆蚊見古今注既秦楚之殊名秦謂之蚋楚謂之蚊實羽羣之醜類厥狀維何眇小莫儔利背有針芒之刺狹翅為暗室之遊非處穉之蚤蟲類撼樹之蜉蝣蟪蛄巢而不覺東海有雜類集於蚊睫見晏子雲臺峻而妄投雲臺之高蚊蚋適以翻翔見鵠冠子其始進也背明向晦來若有求去如失意伺隙乘疎翮

欽定四庫全書

思齋小集

五

翮鼓翅豈負山之足噬見荀子徒銛喙之是肆其引類也翕習相偕彌空布護合響聾虺既覺亮而結陣亦殷殷以成雷候嶮嶮之既暝遂虐螫而為災若夫乘集南皮搏飛北海娛賓之賦方成揮塵之談欲罷忽中蜚以互驚交簞蒲其敢急縱作力以驅除反沓來而增倍至乃晝困炎歊宵思美睡車囊之燭耀甫息書帷莊蝶之相遠俄親夢寐竦芒刺以交加頻抑搔而不置華胥失其嬉遊姬旦何由髣髴此尤文士為雙齋齋莫避者也

相爾纖背空利如錐洞房垂其綃帳繡閣蔽其羅帷遂

回翔而莫入雖含毒以安施惟是赤肌之賤客與露體

之孤羈肆吞噬以無厭

音攪指康書之不宜

通夕而不離其

饑也載翮其飛其飽也有殷

切么間

其腹但求吮血與嚼

膚寧顧意盈而禍速墜銀燈兮不知觸絲網兮相續又

況秋風掃之於林端霜氣沈之於水曲奄忽無存檐宇

斯肅窮子安其晏眠高齋適其牀蓐然後嘆爾曹之孽

生特害氣所亭毒既金行其廓清曷不永珍乎斯族

欽定四庫全書

愚庵小集

十六

吳弘人曰工為形似之言詞
旨警切勝歐陽憎蒼蠅賦

冥異賦

事具元悔卷所
撰汪金女小傳

夙皈心于度門兮維大士為得牛車時現身而變相兮

信佛種之非賒覽傳記之靈異兮奚啻竹葦與蓬麻歎

汪女之篤生兮墮地而如從佛口也妙莊嚴之色相兮

僉曰瑤華之不偶也時白衣之分身兮化道媼而來誘

也紫沙竭羅龍王之有女兮八歲而知慧利根一切能

持受也洎寶珠之上佛兮坐道場于南方無垢也維龍

王之燁赫維龍女之嬋媛咸深入于禪定羣列侍于普

門獨玉瓶之誤碎蒙譴謫而託塵根歷六年而居濁世

瘍七日而歸泰元昭媼言之不爽顯夢兆之同涉洹洵

牟尼之貯清水不久翳于塵凡彼夫孽綠華之降羊權

杜蘭香之偶張碩海山多累于幻緣兜率自超于火宅

嗟魑馭之早迎兮背高堂之太迫人誰能以忘情兮沿

萬里之黃蘗昔金瓠之十九旬而夭折兮子建尚著之

哀詞矧半紀之降生兮跡靈異其若斯知寄歸之一理

欽定四庫全書

愚庵小集

十七

兮悟冥顯之同規抒蕪辭以警上慢兮庶覺路其可追

愚庵小集卷一

欽定四庫全書

愚菴小集卷二

五言古

吳江朱鶴齡撰

結交行

莫以芳桂根而逐槿花榮槿花終不老旦暮容色好
堅水雖可踐足底翻波濤人生果意氣何事薄錢刀
子頡我則頽子衣我則裳衣不因故嚴裳豈以下妨

欽定四庫全書

愚菴小集

素心交可久誰能紉荆棘坦步交可親誰能枕矛戟

布短不成稠水淺不成流阡陌自有道但恐心悠悠

葉聖野曰翻得絕妙又曰古
澗清深足唐人樂府佳境

感遇十三首

吾生本天植廓然棲靈根神明坐搖蕩遂與狂流奔風

波得深警萬感寒心魂賤貧生易達寂寞吾道存庶幾

屏形累出入無窮門

朱明未云滿龍火已西移日車無續景壯士安能持一

葉墜庭柯寒風栗我肌老壯更相迫虫虫欲何為榮華
爭努力祇供霜霰欺誰見西山藥可駐百年期

天道有波瀾山雲誰為主蓬瀛今不流安得朝市古金

狄酸秋風銅駝埋宿莽蚺豈辨青門人當年乃萬戶蟬

蛩升天行潛蛟失其所感此淚恨恨含辛不得語

敗葉鳴空堦號蟲弔秋影默默誰與娛憂憂互相引達

人感無生志士抱違省苟無繁霜驅安得腐草屏天心

警虛華物性趨嚴冷徒深顛顛悲此意誰能領

欽定四庫全書

愚菴小集

流雲本無陰日昏氣隨變桂蠹非一朝桃蠹生隱患但

見一葉秋已知三陰晏如何守虫虫倚伏失前算天運

忽已移山花亦彫換禍樞豈無因徒令識者嘆

易填東海波難鑿太行險太行方寸起一步乃九坂鋒

矢日相尋毒流及玄冕柏梁隨草根瓜蔓終不剪往復

見天心殺機還自踐悠悠白馬津千載同憤懣

牢籠隨吾身何處得寥廓患害生避趨昧者自相索斷

梗豈無依藏舟終走壑坦然任幽貞四隅各有託胡為

東西馳徒作雕陵鵲

熊羆不相啖，梟獍不自戕。人則甚于斯，生理安得長。儒教發大家，陰符蓄不祥。古聖貪所務，遂開後世殃。傷物無獨利，愚者乃爭強。干戈終未已，勸君且後亡。峽中亦有日，海外亦有槎。我生獨窮迫，沈憂浩無涯。出門愁滿道，入室愁滿家。芳蘭骨不立，叢菊秋空花。萬物非可悅，百年誰見賒。如何違此性，役役隨翻車。

欽定四庫全書

卷二 小集

三

林改白道，故社成新墟。萬物皆隨運，吾生何獨悲。策杖爭絕景，徒為後世嗤。不如守衾枕，昏昏無是非。黠鼠貪空倉，青蠅慕遺汁。但與吾性違，驅之恐不力。出門各有營，蹇步安所適。鷹眼自堪憎，鵲林不可息。矯首望高原，烟草方亂色。寤言誰與期，山川阻良覲。憂至克朝飢，長嘆聲惻惻。

神龍無尺木，反為螭螳陵。芳蘭生匝牆，亦隨蕭艾零。小人甘齷齪，安知楹與筵。黃鍾奏鏗曼，反謂蟲鳥鳴。神物

不可侮，侮之見精靈。君看百丈秋，怒蛟誰能曾。

赤日盪靈魂，秋水澄心胸。覽觀良已久，何用謀去從。蚍蜉享朝景，自謂百年躬。智愚迭相笑，萬古同夢夢。西南望懸圖，光氣何熊熊。玉英無敗色，靈草有鮮容。誰能追羽駕，煉藥瑤池東。

史弱翁曰：諸作感憤時，報出以身心性命之語，其中包孕甚深，厚高者，可與曲江胡顏麟臺、屈什、謝紫遜、蘇、其舍。

欽定四庫全書

卷二 小集

四

同茂倫、樵水、長發、庶其、小集、介白齋中得落字

驚飈蕩高柯，肅肅鳴霜鐸。江濤引寒烟，飛向檐前落。激懷不得平，感物增淒索。維我二三子，高言振靈魄。主人方據梧，蕭遠命東郭。瞻矚生清風，嘉尚各有託。壁穿竹氣涼，座汎山光薄。獨樂有清吟，草廬非寂寞。

春雪

凍雪合平疇，來自陰山窟。吹我曲房前，奪我瑤臺色。嶺雲寒不飛，朝幌透無跡。春動百物暄，一時斂青碧。高下均浸淫，衆芳失其質。不感陰氣深，誰知太陽德。